

“FERNANDO AMEZKETARRA” SARIA

Euskaltzaindiak, Euskal Herrian umorea gero eta gehiago gure herri-literatura idatzian ager dadin, “**Fernando Amezketarra**” saria antolatzen du, oinarri edo baldintza hauen arabera:

1. Gaia: izkirimiri, ateraldi xeble, edo txiste mordo bat bidali beharko da. Hauek gertatuak edo asmatuak izan daitezke.
2. Lanak ehun bat txiste gutxienez beharko ditu, makinaz edo eskuz idatzita bidal daitezke; eskuzkoak argia eta irakur-erraza izan behar du.
3. Lana hitz-lauz edo prosaz egingo da, baina tarteka bertsoen batzu ere sar daitezke. Txisteeke beste liburu edo bildumaren batean argitara gabeak izan beharko dute.
4. Lanak bidaltzerakoan, originala eta hiru kopia bidali beharko ditu, gutunazal itxi batetan izenorde batekin. Eta beste gutunazal itxi batetan egilearen izena, helbidea, telefonoa eta beste xehetasunak. Egilearen izenordea gutunazal bietan garbi ezarri beharko zaio, kanpoko aldetik.
5. Lanak bidaltzeko epea, 1987.eko Azaroaren 15ean itxiko da. Sariak banatzea Santo Tomas inguruan izango da.
6. Sariak 100.000, 75.000 eta 50.000 pezetatakoak izango dira. Sari hauek erdibanatzea edo “accesit” batzu ematea epaimahiaren esku gelditzen da.
7. Agertzen diren txiste hoberentsuenekin liburuxka bat argitaratzeko eskubidea izango du Euskaltzaindiak, saritu ez diren egileen eskubideak zainduz.
8. Epaimahaia Euskaltzaindiak izendatuko du eta bere erabakia aldaezinezkoa izango da.
9. Lehiaketa honetan parte hartzeak, oinarri eta baldintza hauek onartzea adierazten du.

Lanak helbide honetara bidali beharko dira:

EUSKALTZAINDIA
Arbieto, 3
48008 BILBO